



Pele Broberg  
Inatsisartunut ilaasortaq  
Naleraq  
inatsisartut@inatsisartut.gl

## Ineqarnermut akiliutinik iluarsisarneq pillugu § 37 naapertorlugu apeqquteqaammumut 2024-65-imut akissut

23-04-2024  
Suliap nr.: 2024-7945  
ID. nr. 91919725

Asasara Pele Broberg,

Inatsisartut Suleriaasianni § 37 naapertorlugu ineqarnermut akigitat, attartornermiit piginnittunngornermut aamma inissiani attartortittakkani soraarnerussutisiallit pillugit Naalakkersuisunut apeqquteqarputit. Apeqqutitit uannut akissuteqarfigineqartussanngorlugit innersuunneqarput. Apeqqutit matuma kinguliani ataasiakkaarlugit issuarneqarput, akissut kingornanniilluni.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

**Apeqqut 1: Qanoq ililluni maanna INI A/S-mi ineqarnermut akiliut pisisartut aningaasartuutaannut tunngaviusumit aaqqiissut sinnerujussuarluni qaffassinnaava? Nikolaj Heinrich assersuutigalugu ukiut 52 sinnerlugit ingerlaneranni 1000 %-p missaannik qaffassimavoq, uffa piffissami tassani pisisartut aningaasartuutaannut tunngaviusoq aallaavigissagaani 300 %-imik agguaqatigiissillugu qaffattussaagaluarpoq<sup>1</sup>.**

Akissut: Attartukkat namminersortunit pigineqartut aammalu attartornermut isumaqatigiissutit taakkununga tunngaviusut Naalakkersuisut oqaaseqarfigisinnaanngilaat. Taamaattoq paasissutissiissutigisinnaavara, attartukkat immikkuullarissut innersuussutigisatit, 1972-imi inissiatut attartortittakkatut naalagaaffiup pigisaattut atulernerqarmata. Inissiarsuaq ineqarnermut suliasaqarfimmut ilanngullugu Namminersorlutik Oqartussanit tiguneqarpoq, aammalu suli kingusinnerusukkat Illuut A/S-imut tunniunneqarluni.

Atorneqalerneranniit maannamut ineqarnermut akiliutip iluarsineqarnissaanut naatsorsuineq, § 37 naapertorlugu akissuteqaammi ilaatinneqarsinnaasut avataanniippoq, taamaattumik Inatsisartut Suleriaasianni § 37 imm. 2 naapertorlugu apeqqut taanna akisinnaanngilara.

Taamaattoq paasissutissiissutigisinnaavara, inissiani attartortittakkani pisortanit pigineqartuni ineqarnermut akiliut *inissianik attartortitsisarneq pillugu Inatsisartut peqqussutaanni nr. 2, 12. maj 2005-imeersumi* (attartortitsinerumut peqqussut) § 28 naapertorlugu aalajangersarneqartarmat. Attartornermut akigititaq ukiunut aggersunut najugaqatigiiffinnut ataasiakkaanut ingerlatsinerumut missingersuutit attartortitsisumit suliarineqartut akuerineqartullu tunngavigalugit ukiumoortumik aalajangersarneqartarpoq.

Inissiani attartortittakkani pisortanit pigineqartuni attartornermut akigititamik qaffaasarnernut tunngatillugu, qaffaaneq ineqarnermut akiliutip qaffanneranut

pissutaasumik annertussusaanillu tunngavilersorneqartussaavoq, ilanngullugu minnerpaamik qaffaanermut pissutaasunut ilaatinneqartut pingaarnerit, takuuk § 28.

Inissianut attartortittakkanut namminersortunit pigineqartunut tunngatillugu, ineqarnermut akiliut attartortitsisarnermut peqqussummi § 33 naapertorlugu aalajangersarneqartarpoq. Aalajangersakkap atuunnerani attartornermut akigititaq aningaasartuutinit aalajangigaavoq aammalu attartortitsisup aningaasalersuinermit aningaasartuutaannit uppersarsarneqartunit, ingerlatsinermit aningaasartuutaannit uppersarsarneqartunit, illuutip teknikkikkut-aningaasaqarnikkut nalinganik erniortitsineq, ernialiussap kisitsisitaata affaanut naapertuuttoq, ilanngullugu, annertuneroqqusaanani.

Akigititat qaffannerisa, akinut annertussusissaliussat qaffannerisa assigisaasalu malitsigisaannik imaluunniit attartortitsisup illuut imaluunniit attartorneqartoq pitsanngorsarsimappagu, attartornermut akigititaq qaffanneqassasoq pillugu piumasaqaammik attartortitsisoq saqqummiussisinnaatitaavoq.

Taamaalilluni atuisartunut akigititanut naleqqersuut naapertorlugu ineqarnermut akiliummut qaffaanissamut attartortitsisarnermut peqqussummi tunngavissaqanngilaq.

**Apeqquut 2: Sooq aamma qanga Naalackersuisut inigisamut akiliutip qaffataa ukiumut qaffaatip nalinginnaasumit – tassa imaappoq pisisartut aningaasartuutaannut tunngaviusumik allannguut uniorlugu inimut akimik allaanermik qaffasinnerusumillu akuersigamik?**

Akissut: Takuuk apeqquummut 1-imut akissut.

**Apeqquut 3: Sooq Naalackersuisut Naleqqap attartortut inigisaannik namminneq inigisinnaangornissaannik siunnersuutaat tapersinngilaat aamma suna patsisigalugu siunnersuut taanna taperserneqanngila?**

Akissut: Attartortut inissiamik attartukkaminik nammineq illuutitut tunineqarnissaat pillugu Naleqqamiit siunnersuummik Naalackersuisut tigusaqarsimanngillat, aammalu siunnersuummik taamaattumik Inatsisartunut saqqummiussisoqarsimanagera ilisimanagu. Taamaattumik Naalackersuisut tamatumunnga itigartitsillutik oqariartuuteqarnissamut periarfissaqarsimanngillat.

Tassunga tunngatillugu paasissutissiissutigisinnaavara, inissiamik attartortittakkamik piginnittunngornissamut ullumikkut periarfissaqareermat, tamannalu *Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaanni nr. 12, 19. november 2007-imeersumi*, kingusinnerusukkut allannguuteqartartumi, maleruagassiivigineqarpoq.


**Apeqquut 4: Naalackersuisut sunik pilersaaruteqarpat attartortut inigisamik attartukkaminni soraarninngoraluarlutilluunniit najugaqaannarnissaannut qulakkeerinnittunik?**

Akissut: Maannakkorpiaq ineqarneq pillugu aaqqissuusseqqinnissaq partiinut Inatsisartuni ilaasortaataqartunut politikikkut isumaqatiginninniarnit ingerlapput, tassani ineqarnermut tapiissuteqartarnermut aaqqissuusinerup allanngortinneqarnissaa

ilaatinneqarpoq, pissutsit attartortunut appassissumik isertitaqartartunut tunngassutillit pitsanngorsarneqarnissaat siunertarineqarluni.

Neriuutigaara matuma siulianiittuni apeqqutitit akineqarsimassasut.

Inussiarnersumik inuulluaqqusillunga

A handwritten signature in blue ink, consisting of a large, stylized initial 'H' followed by a series of loops and a long horizontal stroke extending to the right.

Hans Peter Poulsen